

詩

緒

餘

錄

詩緒餘錄自序

詩學者聖門雅言之首務也曰多識於鳥獸草木之名朱子以爲緒餘又足以資多識然則鳥獸草木之名特緒餘耳竊嘗思之鳥獸草木之名雖曰緒餘然漢唐以來時代更易非藉傳箋及諸家辨論有皓首窮經而茫然者緒餘不明而興觀羣怨之旨或晦故雖曰緒餘實小子學詩之初桃也陶貞白一事不知引爲己恥矧在雅言之教鳥容等諸衣服在躬而不知其名自吳陸璣疏後繼之者不下數十家各隨所見均有可通然彼此各有異同地屬遐陬又或購書不易倘非纂輯無以備案頭緝檢之資嘗擬依

經次蒼萃傳箋等書取其折衷愜心者都爲一集以便稽考人事勞冗苦無暇日丙申仲春於家半溪夫子新會署齋分校文童試卷襄事之暇輒取架上書擇其要而登諸簡從陸璣疏例鳥獸外增入蟲魚以聖言鳥獸則蟲魚統之也顏之曰詩緒餘錄成初志也錄者何詩無達詁後人涉獵遺編非處古人時地豈果能得古人之真第卽所從錄而存之當不當未可知也雖然學者生古人後弗克晤對追隨而茲若聚千百載之名賢於一室而北面質疑從此探討漢唐注疏之墜緒微言以及儒先之是非得失亦猶遊山水者姑寄情於一邱一壑漸而至於登泰華之

高問星河之遠亦可從茲發軔焉用是隨時偕同學酌加
損增未免存享帚自珍之意友人勸登梨棗姑勉從之殆
亦學詩之一端云爾至若其他名物尙當俟諸異日
道光十有九年己亥孟春番禺黃位清

詩緒餘錄例言

一序列諸書自宜以時代分先後惟詩爲毛詩故擇傳箋義愜者首著之其在前如夏小正爾雅等書俱列其次至詞有連綴義有從違如毛傳鄭箋孔疏相因爾雅郭注邢疏相因及諸儒有辨該條者並連綴之不拘時代又義當從者列每條之先若舊說不必從而可並存者亦閒附○外以清眉目

一毛傳鄭箋外詩疏止稱孔疏爾雅止稱釋某注疏止稱郭注邢疏陸璣鳥獸草木蟲魚疏止稱陸疏

一是書所徵引自漢唐以迄元明書名姓氏世所共知者

不贅述其本書稱某氏而未著名者祇從其舊若所見

國初至今之書間有流傳未徧及近今始刻者如河間紀

氏陶四庫全書提要漢陽王氏夫之詩經稗疏安溪

李氏光地詩所無錫顧氏棟高毛詩類釋續編吳江陳

氏啓源毛詩稽古篇蕭山毛氏奇齡續詩傳鳥名卷歛

縣程氏瑞田通藝錄金壇段氏玉裁說文解字注象山

姜氏炳璋詩序廣義會稽范氏家相三家詩拾遺古虞

朱氏芹詩經札記仁和趙氏作詩細吳中徐氏鼎毛詩

名物圖說縣州李氏調元然犀志分宜林氏有席詩經

割錄高郵王氏引之經義述聞姓氏書名隨舉以備參

一說詩者傳箋爾雅說文外吳陸璣疏尤爲近古惟陸璣本末不見史傳隋經籍志有其書名卷數而未詳時代釋文序錄注稱字元恪吳郡人吳太子中庶子烏程令崇文總目館閣書目以爲据馬端臨文獻通考朱彝尊經義考主之定爲吳時人鄭夾漈謂唐文宗毛詩草木蟲魚圖本陸疏爲之則陸氏此書見信於儒林久矣故詳錄之惟是書不依經次於詩名物亦多未備疑作者未成之書今依經次序錄其有與孔疏及邢疏本各異者以小字注明俱從趙氏佑本補正以歸畫一

一凡徵引書名用口若爲是書所徵引或與本條相發明

者則用一蓋凡書所徵引必在是書之前倘不清眉目則或疑時代倒置也若既徵引於前其後間有複見者則以義愜者首徵之複見者餘論又有可參也

一古人著書不加圈點 國朝文集多有之方望溪先生以爲有則筋節處易於省覽今從之

一是書所錄以有關經義者爲主間有無關經義而有資聞見者亦偶錄一二以暢其支至若龍旂之龍非真龍鸞鑣之鸞非真鸞此等錄之似涉類書故概從刪汰

一詩以風雅頌爲次名物已見前者不贅錄間有名物同而取義各當本詩者或更摘錄本條下亦注明詳見某

篇

一物有同名異物者如鵲巢與曹風之鳩爲鳴鳩毛傳氓

與小宛之鳩爲鵲鳩毛傳鵲奔之鵲爲鵲鵲釋文四月

匪鵲之鵲爲鵲毛傳芭有三薄言采芭菜也毛傳豐水

有芭草也毛傳生民糜芭之芭白梁栗也孔疏引又禮

表記注引豐水有芭枸櫞也鄭注則又木類亦可備參

茶有三谷風茶苦之茶苦菜也毛傳東門如茶之茶茅

秀也鄭箋良耜茶蓼之茶陸草也孔疏引杞有三將仲

子之樹杞爲柳屬陸疏引南山有臺之有杞與湛露杞

棘之杞梓杞也爲山木詩緝四牡之苞杞與北山之采

杞四月之杞栲枸櫨也

詩緝

標梅之梅爲今梅

陸疏

終

南之梅爲栲

毛傳陸疏同

定之方中之栲爲白栲

詩緝

卷阿

之栲爲青栲

詩緝

榆有四唐山有樞之樞榆統名也隰

有榆之榆刺榆也秦隰有六駁之駁梓榆也陳東門之

枌之枌白榆也

徐氏鼎

至有或疑於草或疑於木者如

淇奥之綠竹爲今竹

釋文綠如字

采綠之綠爲王芻

毛傳

澤

陂之蒲爲蒲草草屬

說文

揚水之束蒲爲蒲柳木屬

箋以及蒹葭荏葦大小共十一名

詩緝

蝻蟊一蟲而六

名

郭注

螟螣蝻賊皆蝗也而微異

陸疏

此類皆當分別

釋之以免混淆

一是書祇就所見隨時綴錄時藉朋儕參訂同學葉蔗田
應陽襄校並任梨棗之費閱數月而成書學識淺寡疎
漏自多閒有管見輒加案字庶幾就正有道也博雅君
子倘指出舛誤以便更正尤所厚望焉

治詩之道格物爲要物未格而欲窮詩之源究詩之委恐
未見其能至也 春帆師窮年治經務求其是其於詩也
博稽而審思廣求而善斷於三百篇中草木鳥獸蟲魚之
學核其實而挾其精因集義疏等書考覈之辨正之都爲
一集 應陽 幸與襄校竊以爲學者欲從事於格物之學而
因以知詩之源委以是書爲先路之導可耳爰樂而付諸
梓道光十有九年十月旣望受業南海葉應陽謹跋

詩緒餘錄卷

番禺黃位清瀛波輯

國風

周南

關雎

雎鳩 毛傳雎鳩王雎也釋鳥 鷗鷗藝而有別摯音至 關關亦作鷗

和聲也鄭箋摯之言至也謂雌雄情意摯然而有別孔

疏傳為摯實取至義郭注鷗類今江東呼之為鷗好在

江渚山邊食魚徐鉉云鷗性好踣立不移處所謂鷗立

義取諸此陸疏大小如鷗爾雅疏同毛本作鷗 深目目

上骨露出幽州人謂之鷗音就爾雅 而揚雄許慎皆曰

白鷺似鷹尾上白師曠禽經云魚鷹也亦曰白鷺亦曰白鷺案通志云尾上有一點白故曰白鷺又案釋鳥鷺鷺曰王雉楊鳥曰白鷺是各爲一種無疑陸佃埤雅鷺鷺不再匹和而摯別而通習水又善捕魚故詩以爲后妃之比今大鵬翱翔水上扇魚令出沸波攫而食之一名沸河淮南子所謂鳥有沸波是也李氏灝曰雉鷺本惡鳥摯本言猛鷺鄭箋釋摯之言至而以王雉當之朱子遂從其說案摯只作鷺解不必改爲情摯蘇氏軾曰鳥之鷺者不淫歐陽氏修曰此詩不取其鷺取其別也
○李石續博物曰毛傳與郭注異者毛以雉鷺爲王雉

郭謂之鶚毛。以鵙鳩爲秸鞠。郭謂之布穀。毛以鷺斯爲卑居。又云鴉鳥。郭謂小雀好羣飛。毛以桑扈爲竊脂。郭謂之青雀好盜脂。嚴粲詩緝。郊子五鳩備見。詩經。睢鳩氏鷺而有別。故爲司馬主法制。此詩是也。祝鳩氏孝。故爲司徒主教民。卽鵙鳩。四牡嘉魚之騅是也。鵙鳩氏平均。故爲司空平水土。卽布穀。鵙巢及曹風之鵙鳩是也。爽鳩氏司寇。大明之鷹揚是也。鵙鳩氏司事。卽鷺鳩也。非斑鳩。小宛之鳴鳩。氓詩食桑甚之鳩是也。歐陽氏以居鵙巢之鳩非鳴鳩。則又在五鳩之外也。姜氏炳璋曰。白鷺與鷺皆鵙屬。皆不在河洲。並非華而有別釋鳥所。

云王雉卽本草所謂鶚也深目好踣雌雄相得交則雙
翔別則立而異處能水上捕魚故江表人呼爲食魚鷹
王雉本非水鳥本草置之山禽之類張華禽經注雉鳩
魚鷹摯而有別多子是也。

苳菜

毛傳苳接余也

釋草同

以事宗廟鄭箋以后妃將供

苳菜之菹必有助而求之者則實是苳菜賦而非興矣
郭注叢生水中葉圓在莖端長短隨水深淺江東食之
亦呼苳陸疏苳一名接余白莖葉紫赤色正圓徑寸餘
浮生水上根在水底大如釵股上青下白鬻其白莖以
苦酒浸之脆

陶毛本俱作脆爾雅疏作肥

美可案酒蘇恭唐本草鳧

葵卽荇菜也。生水中。羅願爾雅翼荇菜。今陂澤多有葉卷漸開。雖圓而稍羨。不若蓴之極圓也。隨水平浮。花則出水。黃色六出。今宛陵陂湖中。彌覆頃畝。日出照之。如金。俗名金蓮子。埤雅或謂之鳧葵。王氏安石曰。蓴餘詩雖以比淑女。然后妃所求皆同德者。則蓴餘唯后妃可比焉。若蘋蘩藻。所謂餘草。舊說藻華白。荇華黃。顏氏家訓云。今荇菜是水。悉有之。黃華似蓴是也。夫荇止曰荇之。蘩則曰用之。蘋藻則至於盛之。湘之奠之。無所不爲焉。位彌高者。事彌畧也。然則后妃采荇。夫人采蘩。大夫妻采蘋藻。固有次第哉。且后妃夫人采一大夫妻采二。

二而足。非其至也。許大夫妻者不一而足。李氏樗曰：苳菜是水有之黃花葉似蓴，可爲菹。嚴氏詩緝：苳熟而薦之也，皆作興說。內則：苳羹疏用菜雜肉爲羹。又昏義：苳之以蘋藻毛以苳爲擇。今不必從。案周禮醢人四豆之實，一曰苳菹。方氏苞曰：苳，鳧羹卽苳菜也。孔氏謂四豆之實無苳菜，或是殷禮，非是。徐氏鼎曰：苳似蓴菜而非蓴，蓋蓴比苳而葉較圓。詩：薄采其苳，乃蓴也。陸氏德明云：苳亦作苳，接余也。則苳卽苳，俗呼爲苳絲菜。說文謂之蘩。楚辭謂之屏風。云紫莖屏風文綠波，皆指此。

葛覃

葛 周書葛小人得其葉以爲羹君子得其材以爲絺綌
以爲君子朝廷夏服爾雅翼葛生山澤間其蔓延盛者
牽其首以至根可二十步又一種鹿藿其生蔓延生食
甜脆亦可蒸食有紛今之食葛非爲絺綌者也埤雅葛
性柔韌蔓生可衣女事之煩辱者蓋知稼穡之艱難則
可以爲王矣知女功之勤勞則可以爲王后矣禮后織
元紬今乃親葛事者王后親蠶以勸女功之正事親葛
以勸女功之餘事也絲麻者本事也蘋葛者餘事也徐
氏鼎曰葛根外白內紫其葉三尖其花累累成穗紅紫
色其子綠績其皮以爲布小爾雅曰葛之精者曰絺粗

者曰緒

黃鳥

黃鳥

毛傳黃鳥搏黍也

徐氏鼎云黍登而聲伏故名

釋鳥皇黃鳥郭

注俗呼黃離留亦名搏黍陸疏黃鸝留也或謂之黃栗

留幽州人謂之黃鸝或謂之黃鳥

詩爾雅疏釋文俱無此句

一名倉

庚一名商庚一名鶯黃一名楚雀齊人謂之搏黍一作

鸝黃常以甚熟時來在桑間故里語曰黃栗留看我麥

黃甚熟不

詩爾雅疏俱脫不字

是應節趨時之鳥也或謂之黃袍

詩爾雅疏無此句

朱氏芹云不字平聲與上畱字叶一刻亦字

連下者誤倉庚商庚合音爲鸝皆切音之法困學紀聞

曰演繁露云搏黍爲鷩不知何出蓋未見詩葛覃注耳
〔案〕古皆作鷩不作鷩若桑扈有鷩其羽毛傳訓鷩然有
文章非鳥名也魏文帝王粲乃有鷩賦又〔案〕睨睨毛傳
好貌鄭箋顏色說也是言其目非言其聲集傳清和圓
轉之意似仍是訓其目後人誤以爲音耳詩有睨其實
睨彼牽牛皆訓貌檀弓華而睨美好貌况睨睨字俱从
目六書故睨目圓轉也尤明

灌木

毛傳灌木叢

一本木也釋木

郭注下云木族生爲

灌是灌木爲叢木也

卷耳

卷耳

毛傳卷耳苓耳也

釋草同

朱子曰據本草卽今蒼耳

郭注廣雅云臬耳也亦曰胡臬江東呼爲常臬或云苓耳形似鼠耳叢生如盤幽州人謂之爵耳或呼爲常思菜陸疏卷耳一名臬耳一名胡臬一名苓耳葉青白色似胡荽白花細莖蔓生可嚮爲茹滑而少味四月中生子如婦人耳中璫今或謂之耳璫草鄭康成謂是白胡荽嚴氏詩緝其子研麵作餅可救饑據本草卽今蒼耳然蒼耳葉大如掌與形如鼠耳不合與葉似胡荽亦不合又莖粗如指更與細莖蔓生不合恐本草未足信沈氏青崖嘗辨之埤雅或曰形似鼠耳故有耳號或曰白

華細莖子如婦人耳璫故名荆楚記曰卷耳一名璫草亦云蒼耳叢生如盤今人以其葉覆麥舊說千歲之龜巢於蓮葉遊於卷耳之上博物志洛中人驅羊入蜀胡臬子多刺粘綴羊毛遂至中國故名羊負來爾雅翼幽冀謂之禮菜其實如鼠耳而蒼色上多刺着人衣一名菴離騷以喻小人所謂蒼菜菴以盈室是也

馬 埤雅說文云馬怒也武也象馬頭髦尾四足之形石建曰書馬者與尾而五然則緯書以爲王者駕馬故以王爲馬誤矣且王無駕馬之制古者天子乘龍諸侯乘馬故易以龍敘乾以馬明坤白虎通曰天子駕六示有

事天地四方也。列子亦云：六轡不亂而二十四蹄無差。則古有駕六之制矣。舊說口中紅白閒色，鼻中色如朱點，眼中赤色如字形者，俱壽。林氏有席曰：馬病而不能升高曰尪，墮馬本元色因病而黃則病極而生變矣。瘡則病甚而不能進也。

兕

毛傳：兕，觥角爵也。孔疏：古者宴饗之禮必有兕觥。左傳成十四年：衛侯饗苦成叔，甯惠子曰：「兕觥其觥故知饗有兕觥。」昭元年：鄭人宴趙孟，穆叔子皮及曹大夫興拜，舉兕爵。故知宴有兕觥。埤雅：兕似牛，重千斤，一角青色，其皮堅厚，可以制鎧。兕善抵觸，故先王制罰爵以兕。

角爲之酒發人之剛其過在抵觸先王制此以爲酒戒
四升曰角角觸也與此同意道家云虎千年則牙蛻而
角生朱子曰兕野牛也周禮有觥罰之事但謂以觥罰
之耳不必專爲罰爵

樛木

樛木 毛傳南南土也木下曲曰樛鄭箋南土謂荆揚之
域嚴氏詩緝楊氏時謂樛與性俱生非矯揉而然王氏
質言木曲易引蔓蓋葛藟蔓生樛木性曲故能引之而
上也

葛藟 孔疏藟與葛異亦葛之類陸疏藟一名巨荁似燕

蕒易困卦釋文荒蕒作蕒

亦延蔓生葉如艾白色其子亦可食

酢而不美幽州謂之蕒蕒釋文蕒似葛縈纏繞也姜氏炳璋曰葛蕒之於樛木異根而上附故興衆妾之依託於后妃蕒蘿於松柏異體而同根故興王族之依託於王林氏有席曰葛蕒非葛然亦葛類蔓生依附木上故曰縈之縈之葛覃實賦葛蕒取興義各不同

蝻斯

蝻斯

嚴氏詩緝蝻斯蝗也蝻也斯語助卽阜蝻句似非未安

七月之斯蝻也考爾雅云阜蝻蝻李氏許氏蔡邕以爲卽蝗也蝻也蝻也三者同是一物爾雅所云蝻蝻蝻蝻

此別是一物。毛傳誤以此螽斯爲蚣蝽。鄭孔因之遂以螽斯斯螽爲一物。案螽斯以羽言。斯螽以股言。似是二物。自當以嚴說爲長。又案造物之理。善飛者不必能躍。善躍者不必能飛。董子所謂予之齒者去其角。傳之翼兩其足也。今螽斯善飛。阜螽善躍。似是二物。爾雅阜螽螽。螽螽螽蚣蝽雖亦二物而頗相類。蓋一曰趨趨阜螽。一曰斯螽。動股皆善躍者也。又詩緝云斯語助也。如鶯斯鹿斯之類。蘇氏謂螽斯一生八十一子。朱子云一生九十。九子。今俗言蝗生百子。似不必定數言之。但以生子多者莫如蝗耳。李氏願以害稼惡物而取以喻后妃者。

取其羣飛羣集生子繁衍。初不拘其類之惡。如關雎取其有別。不取其鷺也。陳氏曰。言羽者。螽斯羽蟲也。無羊之詩。羊言角。牛言耳。狀物多如此。埤雅。爾雅云。螽醜奮。蓋於是時。股成而奮迅之。則方春尙弱也。故列子以爲吾力折春螽之股。堪秋蟬之翼。蔡邕月令曰。其類乳於土中。深埋其卵。江東謂之蚱蜢。善害田穉。公羊曰。螺同螽何以書記異也。字蓋从冬。冬終也。至冬而終。故謂之螽。

桃夭

桃

毛傳。夭夭其少壯也。林氏有席曰。桃之爲木多華少者。爲夭。五年卽老。老則華減。蕢大也。嚴氏詩緝。李氏云。

桃之少壯則結實必大惟大故盛墳爲大防穀鼓爲大鼓有頌其首用宏茲實凡蕢同音之字皆爲大義則蕢亦桃實之大貌埤雅桃有華之盛者其性早華又華於仲春故周南以興女之年時俱當諺曰白頭種桃又曰桃三李四梅子十二言桃生三歲便放華果早於梅李故首雖白其華子之利可待也然皮束莖榦頗急四年以上宜以刀剗其皮不然皮急則死桃性華葉齊生至於有實然後其葉蓊蓊其序如此陰青繁合休息者賴之又在夏時也禮曰王弔則巫祝以桃茹前王桃鬼所惡而茹以祓除不祥本草桃梟主殺百鬼精物蓋木乾

言雜創錄卷一
如梟磔首木上故曰梟典術曰桃者五木之精故能厭
伏邪氣服其華令人好色蓋仙木也賦曰桃華醕面漢
武故事云海上有蟠桃三千霜乃熟一千年開華一千
年結子東方朔嘗三盜此桃蓋仙家日月長其果之華
實自然久也

兔置

兔 毛傳兔置兔罟也孔疏兔自作徑路張置捕之許氏
慎曰擊楸於地中張置其上也埤雅兔口有缺吐而生
子故謂之兔兔吐也舊說兔者明月之精視月而孕故
楚辭云顧兔在腹言顧兔居月之腹而天下之兔望焉

於是感氣禮兔曰明視其以此歟月缺也故其口缺蓋
咀嚼者九竅而胎生獨兔雌雄八竅故陶氏書云兔舐
雄毫而孕五月而吐子俗又謂視顧兔而感氣故卜秋
月之明暗以知兔之多寡則兔雖舐毫其感孕則以月
理或然也俗云兔營窟必背邱相通所謂狡兔三窟古
今注云兔口有缺尻有九孔今尻於文从九蓋生於兔
也內則云兔去尻說文無兔字以兔爲兔兔生自口出
宜有留難吐而後兔故字又通兔俗作兔非兔足前卑
後倨其形俛故俛又从兔見亦从兔以爲位彌高而志
彌俛也今產乳曰兔亦謂之分娩因學紀聞竹書宣三

言卷之十一
十年有兔舞於鐫京而赫赫宗周有寢微之象矣然則
兔豈歌而周以盛兔舞誌而周以衰兔可以觀周室之
盛衰如此徐氏鼎曰兔大如狸而毛黑白赤眼長鬚足
前短後長古詩云雄兔脚撲朔雌兔眼迷離好食草急
則有聲窟地而居其性陰狡

茅苜

茅苜

毛傳茅苜馬舄馬舄車前也

釋草同

宜懷任焉孔疏

江東人呼爲蝦蟆衣韓氏嬰曰直曰車前瞿曰茅苜注
瞿生於兩旁者也陸疏茅苜一名馬舄一名車前一名
當道喜在牛馬跡中生故曰車前當道今藥草車前子

是也幽州人謂之牛舌草可嚙作茹大滑其子治婦人
產難埤雅大葉長穗好生牛馬跡中故曰馬烏神仙服
食法曰車前之實雷之精也善療孕婦產難及令人有
子案此卽集傳所採或說本草云生平澤邱陵阪道中一名勝烏
亦或謂之陵烏列子曰若蠅爲鴉得水爲鼃得水土之
際則爲蠅蠃之衣生於陵屯則爲陵烏陵烏車前也故
或謂之蝦蟆衣案此草最易生他草所在或無唯車前
蒼耳所至有之故芣苢卷耳之詩言此二物蓋不如是
不足以著志不在與樂有子也李氏光地曰初至則采
之有者采而得之也掇者左右取之欲其得之多也

者連彙收之。欲其掇之盡也。祐者卷而懷之。懼其持者之或失也。顧者維而繫之。懼其祐者之不固也。文王求才之殷。取才之盡。作者因芣苢以起興。故次兔置後。此說雖不必然。然較序說樂有子則更進一解矣。○韓詩說芣苢木名。實似李。又云芣苢澤瀉也。臭惡之菜。我猶采取不已。以興君子有惡疾。我猶守之而不去。劉向列女傳以爲宋人之女嫁於蔡。而夫有惡疾。其母將改嫁之女不從。乃作芣苢之詩。補傳云。向之說出於魯詩。今芣苢非有惡臭。而宜於產子。魯詩不足據也。王氏應麟詩考云。辨命論顏回敗其叢蘭。冉耕歌其芣苢。則遂以

茅苒比惡疾矣蓋蔡人之妻因說母引茅苒之詩以自
況不必始作於此也宋女而蔡妻何名爲周南乎徐氏
鼎云車前藥草也非木澤瀉則是一物無緣強合案據
此則魯韓之詩皆不足據矣

漢廣

喬木 毛傳喬上竦也孔疏楚木名故學記注以楚爲荆
王風鄭風並云不流束楚也楚在雜薪中尤翹翹嚴氏
詩緝王氏世業以爲卽擾楚之楚一名牡荆一名小荆
楚地最多荆楚亦因此木得名其枝葉或五或七七葉
最上幹有大數寸者質勁韌故刑杖用之字从刑俗名

黃荊與蔓荊蔓生者不同此言刈者收秭薪柴爲爨具耳釋木小枝上繞爲喬集傳上竦無枝與爾雅小異

萑

毛傳萑草中之翹翹然孔疏傳以上楚是木此萑是

草故云然釋草云購萑萑郭云萑萑萑蒿也生下田初生可啖江東用羹魚也陸疏其葉似艾白色長數寸高丈餘好生水邊及澤中正月根芽生旁莖正白生食之香而脆美其葉又可蒸爲茹嚴氏詩緝萑蒿本可啖食詩人就老時言乃刈以爲薪耳埤雅蒿屬也○王夫之詩經稗疏曰萑爲萑蒿之屬非萑蒿

駒

毛傳五尺以上曰駒六尺以上曰馬釋文馬二歲曰

駒嚴氏詩緝駒馬之生未久而小者白駒詩亦言皎皎
白駒皎皎潔白貌人潔故馬亦潔也

汝墳

條枚條肄 毛傳枝曰條幹曰枚鄭箋伐薪於汝水之側
非婦人之事以言已之君子賢者而處勤勞之職亦非
其事孔疏大木不可伐其幹取條而已枚細者可以全
伐之肄餘也肄爲復生之餘故集傳以爲斬而復生曰
肄

魴魚 嚴氏詩緝魴編也呂氏曰鯉尾赤魴尾白今魴亦
赤則勞甚矣姜氏炳璋曰比以魴魚幸其漏網來歸也

陸疏魴今伊洛濟潁魴魚也。廣而薄肥恬而少力細鱗魚之美者。遼東梁水魴特肥而厚尤美於中國魴。故其鄉語曰居就糧。梁水魴埤雅魴一名魴。今之青魴也。細鱗縮項濶腹蓋弱魚也。其廣方其厚褊故一名魴魚。魴方也。魴褊也。魴魚雖美而緣水之異則有優劣。故里語曰洛鯉伊魴。貴於牛羊。言洛以渾深宜鯉伊以清淺宜魴。詩云必河之魴。河性宜魚故曰河之魴。河之鯉列女傳曰糊弓以河魚之膠。說者以爲河魚之膠黏養生經曰魚勞則尾赤人勞則髮白。

鱗之趾

麟

毛傳麟麋身牛尾一角不踐生草陸疏麟麋身牛尾
馬足黃色圓蹄一角角端有肉音中鍾呂行中規矩遊
必擇地詳而後處不履生蟲不踐生草不羣居不侶行
不入陷阱不罹羅網王者至仁則出今并州界有麟大
小如鹿非瑞應麟也故司馬相如賦曰射麋脚麟謂此
麟也嚴氏詩緝有足者宜踧麟可以踧而不踧有額者
宜抵麟可以抵而不抵有角者宜觸麟可以觸而不觸
所以爲仁傳定題也說文額也埤雅士畜也信而應禮
以足至者也孔子云刳胎殺夭則麒麟不至摘巢毀卵
則鳳皇不翔不踐生草不食生物有愛吝之意故麋从

客牡麒麟。牝麀陰主客。畜故牝曰麀。西狩獲麟曰有麀而角也。傳云麒麟似麟而無角。案爾雅云驪如馬一角不角者。麒麟然則麒麟省不角故也。姜氏炳璋曰。麀麟古今字通。諸書無以麟爲牝者。惟說文云麟牝麒麟。又以爲大牝鹿。何法盛因曰。麒麟獸牝曰麟。麟鳳皆瑞物。爾雅於鳳云鷟。鳳其雌皇。而麟獨無文。則許氏之說意擬之耳。何楷欲以比后妃。必以爲牝獸。不必又疏云并州畧有麟。大小如鹿。非瑞獸。司馬相如賦射麀脚麟。指此羅氏願誤認此麟爲并州之麟。亦非。趙氏佑曰。麟似鹿。故從鹿。鹿亦有似麟者。故有瑞應。非瑞應之別。一角角端有

肉則史記言獲一角麟是而元世祖所見之角端出以警告止兵不必爲瑞出兩當縣時見角端往來雲中亦未有言其卽麟者

召南

鵲巢

鵲 釋鳥鵲鵲醜其飛也獲邢疏不能翱翔遠飛但竦翅上下而已月令季冬之月鵲始巢周書小寒之日雁北鄉又五日鵲始巢鄭箋鵲之作巢冬至架之至春乃成歐陽氏修曰鵲作巢甚堅旣生雛散飛則棄而去容有鳩來處彼空巢易緯鵲陽鳥先物而動先事而應小寒

節後又五日始巢春二月乳子已舍巢去又有練鵲白毛如練帶俗呼拖白練又有山鵲喜鵲乾鵲其種不一善爲巢禮記月令季冬之月鵲始巢則與緯書合已集傳鵲巢最爲完固埤雅鵲知人喜作巢取在木杪枝不取墮地者皆傳枝受卵一曰乾鵲莊子云烏鵲孺魚傳沫鵲以傳枝少欲故曰孺陸賈曰乾鵲噪而行人至爾雅翼鵲巢水大則高水小則卑傳枝生子春二月有乳鵲矣已而舍去他鳥居之淮南子云鵲巢皆向太一蓋鵲巢開戶嚮太一而背歲先儒以爲鵲巢居而知風蟻穴居而知雨鵲歲多風則去喬木巢旁枝故能高

而不危俗說鵲巢中必有梁見鵲上梁者必貴今二鵲共銜一木置巢中謂之上梁續博物志云鵲有隱巢木驚鳥不能見

鳩

毛傳鳩鳩秸鞠也鳩鳩不自爲巢居鵲之成巢禽

經鳩拙而安歐陽氏修曰今所謂布穀戴勝者與鳩絕

異惟今人直謂之鳩者拙鳥也不能作巢多在屋瓦間

或於樹上架構樹枝初不成巢便生子往往墜雛處鵲

空巢埤雅今之布穀江東呼爲郭公嚴氏詩緝鳩類非

一此蓋鳩鳩也一名秸鞠卽今布穀郭注同與曹風鳩鳩

同呂氏祖謙云此但取鵲之不自爲巢而居鵲之成巢

非取鵲之強而不淫知歲之所在亦非取鳩有均養之德也餘詳曹風鳩鳩徐氏鼎曰形如斑鳩而大毛雜黃色鳴時正值播穀故名布穀里語云阿公阿婆割麥插禾。

采蘩

蘩

毛傳蘩音蒿也孔疏白蒿也然則非水菜謂於其

傍采之也陸疏蘩音蒿凡艾白色爲蘩蒿今白蒿春始

生及秋香美可食又可蒸食一名游胡北海人謂之旁

勃案大戴禮夏小正盧辯注云蘩由游一作胡由胡者蘩

母也蘩母者旁一作萬勃也皆豆實也似蘩母與蘩爲

二物。仙經曰：白蒿，白兔食之。仙爾雅曰：繁兔葵，豈謂是歟？埤雅：蒿，青而高，繁，白而繁。白蒿，葉粗於青蒿，從初生至枯，白於衆蒿。今俗謂之蓬蒿，可以爲菹。箋云：豆薦，繁菹是也。又可以飼蠶。今覆蠶種，尚用白蒿。姜氏炳璋曰：繁，白蒿也。有水有陸，水產可爲菹。左傳：蘋、蘩、藿、藻之菜是也。陸產可飼蠶。七月采蘋，祁祁是也。此夫人能奉祭祀，其宮人美之之詞，或以爲夫人親蠶者，非夫人不獨薦豆。薦豆不獨繁，蓋舉一以例其餘。

草蟲

草蟲 毛傳：草蟲，常羊也。鄭箋：草蟲，鳴晚秋之間。陸疏：草

蟲一名負蟣大小長短如蝗奇音青色好在茅草間埤
雅草蟲鳴則阜螽躍而從之故阜螽曰蟣草蟲謂之負
蟣徐氏鼎曰諸家說草蟲紛紛惟陸疏似蝗者爲是但
非災蟲不可謂蝗耳若埤雅爾雅翼并指爲蚯蚓尤非
嚴氏詩緝以螽斯草蟲阜螽爲一亦未是

阜螽

毛傳阜螽蟣也

釋蟲同

李巡曰蝗子也陸疏阜螽蝗

子一名蟣

陶毛本有負字非

今人謂蝗子爲螽子兗州人謂之

螽博物志桑螽卽阜螽也咒而成子詩云螟蛉有子是
也埤雅今謂之螽蟥亦跳亦飛飛不能遠不如蝗之羣
飛蔽天草蟲鳴則躍而從之草蟲鳴於上風負螽鳴於

下風而風化徐氏鼎曰。阜螽。李陸許蔡諸家並指爲蝗。然蝗是災蟲。非歲時恆有。凡經傳直稱螽者。蝗也。如公羊傳螽。同螽何以書記災是也。若似蝗不爲災者。皆得螽名。如爾雅阜螽。土螽之類是也。此箋云躍而從之。則止於跳躍而不作聲。明是蚱蜢無疑。

蕨

孔疏蕨鼈也。釋草云。舍人曰。蕨一名驚。郭注。初生無

葉可食。陸疏。蕨山菜也。周秦曰。蕨齊魯曰驚。初生似蒜。莖紫黑色。可食。如葵。陸氏德明曰。俗云初生似驚脚。故名驚埤雅。蕨狀如大雀拳足。又如其足之蹙也。故謂之蕨。俗云初生亦類鼈脚。采蕨所以祭也。蓋大夫妻之祭。

言其食也
於其將嫁則以蘋藻。於其既嫁則以蕨薇。草蟲大夫妻之德也。采蘋大夫妻之本也。草木疏云。漢毛本陶本皆作今時官園種薇蕨以供宗廟祭祀。然則祭祀用蕨薇先王之禮舊矣。徐氏鼎曰。今吳人呼之爲鼈脚菜。

薇 毛傳薇菜也。陸疏薇山菜也。莖華皆似小豆。蔓生其味亦如小豆。藿可作羹。亦可生食。今官園種之以供宗廟祭祀。埤雅爾雅曰薇垂水好生水邊。故云垂水似藿菜之微者也。禮芼豕以薇。言微者所食。故以采薇言。戊役之苦。而草蟲序於蕨之後。喻求取之薄也。項氏曰薇今之野豌豆。蜀人謂之巢菜。蘇氏軾改名元修菜。集傳

謂有芒而味苦山間人食之謂之迷蕨疑卽莊子所謂迷陽也。姜氏炳璋曰：薇蕨皆可食，有不棄葑菲之意。故以爲興。徐氏鼎曰：按釋草云薇垂水菜，又采薇詩先儒皆云菜也，並未明言水陸。然據本草薇有二種：生平原川谷者爲白薇，生水旁者爲薇。此詩及采薇詩戎車旣駕，采以爲食者，陸產者也。云山有薇，薇明是山菜，非爾雅所謂垂水者。

采蘋

蘋 毛傳：蘋，大萍也。釋草：萍，萍。郭注：今水上浮萍。江東謂之藻。其大者蘋，陸疏：粗大者謂之蘋，小者曰萍。季春始

生可糝蒸以爲茹又可用苦酒淹以就酒嚴氏詩糝蘋
有三種大者曰蘋中者曰荇菜小者浮萍蘋可茹故以
供祭祀毛氏以蘋爲大萍是也浮萍則不可茹止可養
魚項氏曰柳惲所謂汀洲采白蘋者水生而似萍者也
宋玉所謂起於青蘋之末者陸生而似莎者也陶隱居
曰水中大萍五月有花白色非溝渠所生之萍乃楚王
渡江所得卽斯實也

藻 毛傳藻聚藻也孔疏左傳云蘋蘩蕒藻之菜蕒聚也
故言聚藻陸疏藻水草也生水底有二種其一種葉如
雞蘇莖大如筯長四五尺其一種莖大如釵股葉如蓬

蒿謂之聚藻此二藻皆可食。鬻按去腥氣米麵糝蒸如
茹嘉美揚州饑荒可以當穀食。饑時蒸食之。埤雅藻水
草之有文者出乎水下而不能出水上其字从澡亦自
絜如澡也。藻稅說者以爲非特取其文亦以禳火。今屋
上覆檁謂之藻井。取象於此風俗通曰。殿堂宮室象東
井形。刻作荷菱荷菱水草也。所以厭火。與此同義。傳曰
士卒鳧藻言其和睦歡悅如鳧之戲於水藻也。或言詩
魚藻亦以此義。又韓詩曰。沈者蘋。浮者藻。蓋藻蘋類也。
似槐葉而連生生道旁淺水中與萍雜。至秋則紫。今俗
謂之馬藻亦呼紫藻。呂覽曰。菜之美者崑崙之蘋。高誘

謂蘋大蘋水藻也據此蘋卽所謂藻水深潔處乃有昏
義教成祭之牲用魚芼之以蘋藻蘋之言賓也藻之言
澡也魚亦柔巽隱伏故此三者昏禮以成婦順

甘棠

甘棠 毛傳甘棠杜也

釋木

孔疏棠今之杜梨其白者爲

棠其赤者爲杜陸疏甘棠今棠梨一名杜梨赤棠也與
白棠同耳但子有赤白美惡子白色爲白棠甘棠也少
酢滑美赤棠子澁而酢亦作醋無味俗語云澁如杜是也
赤棠木理韌亦可以作弓幹埤雅字說云詩言甘棠以
杜之美言有林之杜以棠之惡說詩在以意逆志而已

孔子曰吾於甘棠見宗廟之敬也劉歆廟議以為思其人當愛其木况宗其道而毀其廟乎

行露

雀

說文雀依人小鳥也一名家賓雀豹古今注言棲一宿人家如賓客

名瓦雀

本草言其宿簷瓦間

一名黃雀

本草小而黃口者

俗名麻雀

本草老而

斑者爾雅翼小者黃口貪食易捕老者黠難取性極多欲

字通於爵飲器以為名象雀之形取其鳴節節足足也

埤雅雀有味而無角鼠有齒而無牙雀賦曰頭如顙蒜

目如擘椒雀物之淫者鼠物之貪竊者故詩言鼠牙雀

角以譬強暴西方之書以為淫人受果其報雀鴿鴛鴦

是也。今鵠喜合凡鳥皆雄乘雌。惟此鳥雌乘雄。又雀四時有子。鵠逐月有子。周蒙續古今注曰：九月雀入水，不則多淫泆，洒善使人淫泆，故一升曰爵，舟以戒沈湎，爵以戒淫泆，其義一也。禮圖爵漆赤，中其下刻雀形，蓋上如斛，下爲爵形。漢律厯志以爲斛狀似爵，以縻爵祿，爵散之爵，燕饗之燕。先王以爲法戒焉。西方書曰：雀浴沙受卵，禽經曰：雀交不一，雉交不再。又曰：雀以猜瞿。今雀俛而啄，仰而四顧，所謂瞿也。說文以爲鷹隼之視誤矣。太元曰：明珠彈雀，費不當也。舊說鳥雀尾翠，上有肉高有穴者，名脂餅。鳥雀每引觜取脂以塗翅毛，則悅澤。

露不能濡又云雀爭燕巢銜艾置巢中燕不復顧春秋
運斗樞曰瑤光星散爲雀徐氏鼎曰雀小鳥短尾故字
从小从佳毛斑嘴黑尾長二寸許爪距黃白色跳躍不
步其視驚懼其目夜眈雀之穿屋不以角乃以喙

鼠

說文鼠穴蟲之總名也象形埤雅鼠一名鼯南陽呼

鼠爲鼯廣雅曰鼯鼠是也今一種鼠見人則交其前足
而拱謂之禮鼠亦謂之拱鼠詩相鼠蓋取諸此傳曰窮
鼠齧狸蓋鼠窮則鬬也故兵法曰歸師勿遏圍師必闕
鼠之最小者或云甘鼠齧人不痛鼯鼠健於捕鼠似貂
赤黃色大尾今俗謂之鼠狼廣雅曰鼠狼鼯是也一名

鼯莊子所謂騏驎騞捕鼠不如狸狌今栗鼠似之蒼黑而小取其毫於尾可以製筆世所謂鼠鬚栗尾者也其鋒健於兔栗鼠若今竹鼯之類蓋鼠食竹故曰竹鼯舊說鼠性疑出穴多不果故持兩端謂之首鼠韓子曰狐鼠進退是也又鼠類最壽俗謂之老鼠老鸛老鴟老烏以老稱亦如此鳥鼠同穴者與鳥爲雌雄似鼠而短尾鼠在內鳥在外杜甫詩水落魚龍夜山空鳥鼠秋魚龍水名鳥鼠山名鳥鼠秋而魚龍夜兩句含三事林氏有席曰鼠亦獸屬物之最貪竊者牙牡齒也齒之大者曰牡齒鼠本無牙而曰誰謂無牙亦反言以斥其穿墉

之伎倆耳

羔羊

羔羊 毛傳小曰羔大曰羊大夫之裘羔而已兼言羊者
協句也孔疏釋與裳同色衣與冠同色黑冠朝服冠黑
則服亦黑故用黑羔皮爲裘而以緇布爲衣以裼之裼
見裘也必覆之者裘褻也其上乃加朝服此緇衣羔裘
諸侯日視朝之服卿大夫朝服亦服之其所異者君純
色臣則以他物飾其裘祛耳埤雅羔性羣而不黨又皆
跪乳象禮其德宜施於朝故古者以爲朝服繁露云凡
贊卿用羔羔有角而不用類仁者執之不鳴殺之不嘯

類死義者飲其母必跪類知禮者字說云羔从羊从火
羊火畜也羔火在下若火始然又云羹从羔从美羊大
而美羔未成也

委蛇

毛傳行可從迹也

釋文行下孟反崔如字從足容反從迹亦作蹤跡

鄭箋

委曲自得之貌二說微異案襄七左傳穆叔引詩曰
委蛇委蛇退食自公謂從者也衡而委蛇必折杜注委
蛇順貌人臣自公門入私門無不順禮從順行衡橫也
傳氏云委蛇自得之貌順道則可以自得橫不順道而
妄焉自得必毀折矣是左氏釋詩與鄭箋同似較毛公
爲優鄭加委曲云者蓋指周旋中禮耳莊子庚桑楚篇

與物委蛇而同其波焦氏易林委蛇循河至北海涯俱
同此意獨異志引莊子云齊桓公出游澤畔見一物其
大如轂其長如轅紫衣朱冠見人則捧其首公謂管仲
曰此其怪乎仲曰此委蛇也見者必霸案所云委蛇與
博物志同又案
莊子達生篇所云澤有委蛇乃皇子答桓公
語非管仲也獨異志所引不同未知何據又莊子達
生篇食之以委蛇司馬彪注委蛇泥鰭管子注委蛇澤
鬼名方以智通雅曰委蛇澤鬼紫衣朱冠齊桓公所見
古人原以逶迤之狀名之猶莊子山有夔野有方皇亦
以徬徨名鬼也後因加虫作委蛇案古人每借物以形
容如獐獍猖獗猶豫蜿蜒之類不一而足委蛇以爲澤

鬼泥鰭不若取象蛇行者較勝史記蘇秦列傳嫂委蛇
蒲伏索隱云委蛇謂掩地而進若蛇行也此緣國策作
嫂蛇行匍伏蛇音移卽指委蛇也故埤雅云魚屬運行
蛇屬紆行詩委蛇義蓋取此若蛇音讀駝揚雄反騷駕
八龍之委蛇與何有九招與九歌叶劉向九歎帶隱虹
之委蛇與御后土之中和叶陸機答賈謐詩我求明德
濟同以和魯公戾止袞服委蛇張衡西京賦感河馮懷
湘娥驚蜩蝓憚蛟蛇俱讀駝音與詩五紕恰叶○若讀
音移而字別者漢衛尉衡方碑禕隋洪氏隸釋云禕隋
卽委蛇出韓詩內傳

案隸釋書碑文作隋釋文又作隋
此外各書所引本或不同多傳寫

之謫茲漢書郊祀歌旗逶蛇通雅引莊子同東方朔傳遺蛇其

迹張衡西京賦聲清暢而委蛇與毛羽之襪襪叶後漢

書儒林傳方領矩步者委蛇其中費鳳別碑君有逶蛇

之節錢子文謂離騷作委迤一本作委移劉向作逶移

案劉向九歎遵江南之委移是委字錢云逶恐謫又與倭遲同說本談詩四牡

周道倭遲釋文倭亦作委韓詩作倭夷王伯厚詩考云

周道威夷爾雅威夷長脊而泥注威夷長而弱也薛君

文選注又作威遲漢地理志扶風有郁夷縣注師古曰

周道倭遲韓詩作郁夷言使臣乘馬於此道鄺氏字說

曰天官書歸邪讀如委蛇言其狀逶迤也說文隳鄭地

坂許爲切。崎上黨坂。於離切。則二坂亦以地形透迤而
名。山海經。赤水東蒼梧之野。舜與叔均所葬也。爰有鷹
賈委維。郭注。委維卽委蛇也。周禮。委塏。上起肩珣。徐廣
音塏爲羊。誰反。則委塏音義與委迤通。玉藻。手足毋移。
注。移之言靡。匪也。疏。謂靡匪搖動也。言疾趨則不必翔。
步透迤紆徐矣。古靡讀如微微。字中原讀如禕。則靡匪
亦透迤之聲也。戴合溪作透迤。魏子才作委也。說文。長
箋作螭。虺虺。易林。大壯之鼎。曰長尾踳踳。師之咸。以
螭蛇証踳踳。則讀透迤以狀長尾可知矣。歐陽公樂郊
詩云。有山在其東。有水出透黃。丁朝佐謂其字參古今

之變必有所據洪容齋五筆云此詩正用韓公南海神

廟碑之蜿蜿蛇蛇朝佐不暇尋繹耳

案郭璞流沙贊經帶西極頽唐委蛇

注於黑水永溺餘波

○委蛇讀音駝而字異者釋文云

沈讀作委委蛇蛇

案沈讀卽以此通詩偕老之委委佗佗也

又引韓詩佗作

他爾雅音義引作禕宅李鉉字辨作倭他○又委有讀

仄聲蛇讀本字者陸德明莊子音義云委於危反又如

字食之以委蛇注蛇如字李云大鳥吞蛇山海經北山

經渾夕之山有蛇一首兩身名曰肥遺

畢沅注肥遺卽委蛇

又北

次三經彭觚之山其中多肥遺之蛇又肥遺在西山經

內爲鳥名楊用修古音餘又云楚辭白蜺嬰茀注白蜺

委蛇若蛇然則委蛇取義於蛇形信矣任昉述異記引齊桓公征孤竹所見者名曰兪兒。兪兒疑卽委蛇蓋蛇兒同聲洪焱祖爾雅翼音釋委蛇音於移是委讀於於兪聲近古字假借或兪兒卽委蛇楊升庵古音考委蛇下云此字有八變。洪容齋五筆有十二變。方子謙有十七變。徐應秋有十四變。方以智云凡三十二變。此等無關經義。鄭云委曲自得義已無餘。姑列異同以資聞見。

標有梅

梅

釋文梅韓詩作煤陸疏梅杏類也樹及葉如杏而實

酢

二字本作黑耳今从趙本訂正

曝乾爲醋置羹臠中又可含以香口

淮南子注曰一梅不足爲百人酸喻少不能有所勝嚴
氏詩緝標本訓擊邨柏舟寤辟有標是也此詩謂擊而
落之言擊落之餘尙有殘梅其實之在木者惟七惟三
則其零落者多矣興女子盛年難久當及時以嫁無使
華色之衰落如彼梅也埤雅梅一名枏案梅乃終南有
梅之梅與此詩
梅異詳見終南杏類也其實酢子赤者材堅子白者材脆華在
果子華中尤香俗云梅華優於香桃華優於色天下之
美不得而兼者多矣若荔枝無好華牡丹無美實是也
梅雖先桃李而華然其實乃更在後則婚姻之年或未
歎也故詩以爲興蓋始於季秋終於仲春者婚姻之時

也。三十而娶。二十而嫁者。男女之時也。周南婚姻以時。召南男女得以及時而已。及者。汲汲之詞。此其所以淺迫而爲召南歟。江湘二浙。四五月之間。梅欲黃落。則水潤土溽。礎壁皆汗。蒸鬱成雨。其罪如霧。謂之梅雨。沾衣服皆敗黦。故自江以南。三月雨。謂之迎梅。五月雨。謂之送梅。轉淮而止。北則否。亦梅至北方多變而成杏。故人有不識梅者。賈思勰曰。梅華早而白。杏華晚而紅。梅實小而酸。杏實大而甜。梅可以調鼎。杏則不任此用。趙氏佑曰。陸氏釋標梅爲今梅。釋有條有梅。則依傳別爲柑。最是。但梅樹幹作鐵色。可言黑葉。不可言黑。陸旣吳人。

夫豈不審恐黑耳二字當如郭爾雅注似杏實酢方與
下文順柚渡淮而爲枳梅變而成杏地氣使然也七命
云輝以秋橙醑以春梅春實尙青味酢故也案離騷不
言梅似非荆楚之土所宜詳見秦風終南

野有死麇

麇 說文麇麇也鹿屬無角鹿則有角牝者爲麋孔疏昏
禮五禮用鴈唯納徵用幣無麇鹿之肉言死麇者凶荒
則殺禮由世亂民貧故思以麇肉當鴈幣也齊人謂麇
爲獐則麇是獐也嚴氏詩緝春秋傳六麋興於前是也
崔豹古今注云鹿有角而不能觸麇有牙而不能噬麇

如小鹿而美語云四足之美有麋卽麋也言野外有死
麋人欲取其肉食之猶以白茅包裹恐爲物所汚况女
子懷春欲嫁良士何不以禮娶之乃誘之乎埤雅麋如
小鹿而美故从章章美也易云陰雖有美含之以從王
事或云麋性善驚吳越春秋云章者倬惶也蓋麋鹿皆
健駭而麋性膽尤怯飲水見影輒奔道書云麋鹿無魂
蓋麋性喜山麋性喜澤鹿性喜林故麓从林从鹿麓者
鹿之所在也麋性善聚亦善散故从困困聚也亦散也
白茅陸疏茅之白者古用包裹禮物以充祭祀縮酒用
埤雅昏禮不以死物故其生摯用雁今取死麋更以白

茅包之皆非禮矣雖皆非禮然猶愈於無禮先曰死麇
後曰死鹿先曰包後曰束言被文王之化知惡無禮其
俗有隆而無殺也徐氏鼎曰茅之始生者萑靜女自妝
歸萑是也林氏有席曰茅之色白者以白茅包麇取潔
清也又曰純束以白茅重包之也

樸橄 集傳小木也釋木謂樸橄有心一名斛橄有心耐
溼江河間可以作柱嚴氏詩緝樸橄小木可以薪死鹿
可以食人猶有白茅純聚而包束之况有女如玉乃不
以禮娶之而誘之乎

毛

傳毛狗也非禮相陵則狗吠釋畜毛狗也說文鹿

犬之多毛者埤雅孔子曰狗叩也叩氣吠以守也韓子
曰蠅營狗苟易曰艮爲狗狗善警吠止禦又其性前趨
艮陽在上故也釋畜曰長喙獫狁短喙獨犢長喙善獵短
喙善吠以守傳曰狗性險出故獫狁險省狗善猜警非
禮相陵則警吠故詩以惡無禮屈子曰邑犬羣吠吠所
怪也荆楚記曰雞寒狗熱

何彼禮矣

唐棣

毛傳唐棣移

音移也釋木同

郭注今白移也似白楊江

東人呼爲夫移陸疏唐棣與李也一名雀梅亦曰車下
李所在山皆有其花或赤或白六月中成實大如李子

可食嚴氏詩緝七月疏鬱是車下李莫是莫李陸璣以
唐棣爲奧李則非車下李矣而莫李又有車下之名蓋
由二者相類故名稱相亂也埤雅棣華偏而後合故詩
以況王姬下嫁其衣之禮如此且偏然反故車服不繫
其夫下王后一等華品序云洛陽有芍藥緋桃碧桃千
葉李紅郁李之類皆不減他出者而洛陽人不甚惜謂
之果子華曰某華至牡丹則直曰華意謂天下眞華獨
牡丹不假曰牡丹而自可知也

李 埤雅素問曰李韭皆酸李東方之果木子也故其字
从木从子性頗難老老雖枝枯子亦不細其品處桃上

故果屬有六。桃最爲下。詩云邱中有李。言麻以衣之。麥以食之。又有李焉。皆邱中之植。則留子之政修矣。呂子曰。子產相鄭。桃李垂於街者。莫之援也。然則邱中有李。又能使人不盜也。舊云。桃李種法。大率欲兩步一根。密則陰輒相扇。不惟子細味亦不佳。論語曰。朋友數斯疏矣。有是哉。化書曰。李接桃而本強者。其實毛。梅接杏而本強者。其實甘。此明造化之報。以知巧而移也。爾雅。休無實。李言可休息而已。無實可食也。

騶虞

葭

毛傳。葭。蘆也。茁出也。孔疏。謂草生茁茁然出。嚴氏詩

緝蘆葦初生者曰葭解見七月

貳

毛傳豕牝曰貳虞人翼六貳以待公之發孔疏五貳止一發中則殺一而已仁心之至不忍殺也集傳一發

五貳言禽獸之眾多嚴氏詩緝毛傳豕牝曰貳本爾雅

釋文與集傳作牡豕異案說文廣雅凡獸二歲通名爲

貳謂能相把拏也似不專屬豕亦不分牝牡姑闕所疑

騶虞

嚴氏詩緝騶御及虞人也禮記射義騶虞樂官備

騶御虞人皆不乏人則官備可知

案此本魯韓詩說

毛氏以騶

虞爲義獸月令七騶咸駕是也陸璣山陰陸氏皆和之

司馬相如封禪文園騶虞之珍羣張華又謂騶虞具五

采乘之日行千里皆祖毛氏也。今不從。又云漢武帝時
建章宮後有異物其狀如麋東方朔云此騶牙也。或附
會此騶虞卽騶牙非也。爾雅無騶虞。周禮大司樂疏引
韓魯說騶虞天子所掌鳥獸官其說與射義合。○陸疏
騶虞白虎也。黑文尾長於軀不食生物不履生草。君王
有德卽見。詩疏無此句今从趙本應信而至者也。毛傳騶虞義獸
白虎黑文不食生物埤雅騶虞尾參於身白虎黑文西
方之獸也。王者有至信之德則應不踐生草食自死之
肉。傳曰白虎仁卽此夫其色白其文黑又義獸也。而名
之曰虎宜殺不殺蓋仁之至也。故詩序云仁如騶虞則

王道成。墨子以騶虞爲樂章名。如狸首之義。文選注引琴操曰。騶虞邵國之女所作也。則騶虞又是琴操名。

蓬

毛傳蓬草名。埤雅蓬蒿屬草之不理者也。其葉散生。

如蓬末大於本。故遇風輒拔而旋。商子云飛蓬遇飄風而行千里。乘風之勢也。蓋蓬有利轉之象。故古者觀浮木而知爲舟。觀轉蓬而知爲車。然蓬雖轉徙無常。其相遇往往而有。故其字从逢。管子曰。無儀法程式。蜚搖而無所定。謂之蜚蓬。之問明主不聽說苑曰。秋蓬惡於根本而美於枝葉。秋風一起。根且拔矣。葭澤草也。蓬陸草也。故詩言庶類蕃殖。莊子曰。夫子猶有蓬之

心也夫蓬善轉旋非直達者也朱子曰其華似柳絮聚而飛如亂髮故曰首如飛蓬林氏有席曰蓬卽蓬蒿葭生水中蓬生陸地俱云苗者賦其水陸草生之茂也

豮

毛傳豮一歲曰豮○孔疏大司馬職注云一歲爲豮

二歲爲豮其說與毛或異或同不知所據箋以豮者豮生之數非大小之名故釋獸云豮生三豮二師一特一解雖生數之名大小皆得名之言私其豮謂小時此國君蒐田所射未必小也案毛傳釋豮以豮牝言釋豮以豮歲言皆本爾雅釋獸文竊謂田以供祭祀將爲乾豆之具則用牝者非也且一以牝牡言一以年歲言亦覺

參差。似不如从大司馬鄭注一歲爲豮二歲爲豮之說
較勝

詩緒餘錄卷一終

受業葉應陽校字